

Aarlerinaateqartunut ataatsimiititaliaq

GrønlandsBANKEN-ip aarlerinaateqartunut ataatsimiititaliaq pillugu pisinnaatitsissutai

1. *Pilersitsineq siunertarluni*

- 1.1. Aningaaserinermik suliffeqarfimmik ingerlatsineq pillugu inatsimmi § 80 b aamma siulersuisut suleriaasianni imm. 1.2 naapertorlugit siulersuisut ataatsimiititaliamik pilersitsippot aarlerinaateqartunut ataatsimiititaliamik taaneqartumik.
- 1.2. Pisinnaatitsissummik matumannga aarlerinaateqartunut ataatsimiititaliap suliasai pisinnaatitaanerilu aalajangersarneqarput.
- 1.3. Aarlerinaateqartunut ataatsimiititaliap siulersuisut sulinerat piareersartarpaa, siulersuisuni niuernikkut aalajangiinnermi aarlerinaatit siulersuisut ilisimanissaat qulakkeerniarlugu.
- 1.4. Aarlerinaateqartunut ataatsimiititaliap siulersuisut akisussaaffii pisinnaatitsissutaalu allanngortinngilai. Siulersuisut tamarmiusut, GrønlandsBANKEN-imi aarlerinaatinut aqutsinermut akisussaaffeqarput, ataatsimiititaliali sulinera piareersaalluni sulinnermi pingaaruteqarpoq.

2. *Aarlerinaateqartunut ataatsimiititaliami ilaasortat*

- 2.1 Ataatsimiititaliami ilaasortat GrønlandsBANKEN-imi siulersuisuni ilaasortaneersuupput.
- 2.2 Aarlerinaateqartunut ataatsimiititaliamut ilaasortaapput siulersuisut tamarmiusut.
- 2.3 Siulersuisut siulittaasuut Aarlerinaateqartunut ataatsimiititaliami siulittaasuvoq.

3. *Ataatsimiinnerit*

- 3.1 Ataatsimiinnerit ingerlanneqartarput ima akulikitsigisumik aarlerinaateqartunut ataatsimiititaliami siulittaasup pisariaqartutut isigippagu, minnerpaamillu ukiumut marloriarluni. Aarlerinaateqartunut ataatsimiititaliami ilaasortap kialuunniit aarlerinaateqartunut ataatsimiititaliami ataatsimiinnissaq kissaatigisinnaavaa, pineqartup pisariaqartutut isigippagu.
- 3.2 Ataatsimiititaliap qinnuiginninneratigut qullersaqarfik aamma/immaqaluunniit aarlerinaatinik isumaginninnermut akisussaasoq ataatsimiinnerni peqataasinnaavoq. Ullormi oqaluuserisassat apeqqutaallutik aamma ataatsimiititaliap qinnuiginninneratigut inuit avataaneersut ataatsimiinnermi sammisanik eqqartuinnermi peqataasinnaapput. Siulersuisunut ilaasortat avataaneersunik peqataasoqarnerani tamanna protokollatimut ilanngunneqartarpoq.
- 3.3 Aarlerinaateqartunut ataatsimiititaliami siulittaasup ullormi oqaluuserisassat suliarisarpai. Ataatsimiinnerni tamani ullormi oqaluuserisassat, ataatsimiinnissaq piffissamik naammaginnartumik sioqqullugu ataatsimiititaliamut ilaasortanut nassiunneqartarput. Aarlerinaateqartunut ataatsimiititaliami siulittaasup piffissaq killiliussaasoq taanna naalisissinnaavaa.
- 3.4 Ataatsimiititaliaq aalajangiisinnaassuseqassaaq, ilaasortat tamarmik affai, kisiannili ikinnerpaamik ilaasortat ataatsimeersuarnermi toqqarneqartut affai aalajangiinnermi peqataappata.
- 3.5 Aalajangiinnerit ikannerussuteqarnikkut aalajangerneqartarput. Taasisut amerlaqqatigiippata, ataatsimiititaliami siulittaasup taasinera aalajangiisuusarpoq.
- 3.6 Ataatsimiinnerit ima qarniliorneqartarput.
- 3.7 Ataatsimiititaliap ataatsimiinneri siulersuisut ataatsimiinnissaat sioqqullugu ingerlanneqarpata, ataatsimiititaliami siulittaasup imaluunniit siulittaasup tullia "utaqqiisaagallartumik" siulersuisunut oqaasiinnakkut ima qarniliorsinnaasarpog kiisalu inassuteqaatinik/inneruussutut saqqummiussisinnaalluni.

4. *Aarlerinaateqartunut ataatsimiititaliap suliasai*

Aningaaserinermik suliffeqarfimmik ingerlatsineq pillugu inatsit naapertorlugu aarlerinaateqartunut ataatsimiititaliap tulluuttut suliarissavai:

- 4.1 Aningaaseriviup maanna siunissamilu aarlerinaatitigut ilisarnaataanik periusissiaanillu pingaarnernik siulersuisunut siunnersortaaq.
- 4.2 Siulersuisut aarlerinaateqartunut periusissiaa aqqissuussaanermi eqqortumik atulersinneqarneranik siulersuisut nakkutiginninneranut ikiortaaq.
- 4.3 Aningaasarsiornikkut periarfissiissutit kiffartuussinermilu sullississutinik GrønlandsBANKEN-ip niuerutigisartagai, aningaaseriviullu isertitaqarneranut annertuumik pingaaruteqartut, niuernikkut najoqqutamut aningaaseriviullu aarlerinaatitigut ilisarnaataanut tulluunnersut nalilersorneri, tamakkununnga ilaallutik periarfissiissutit kissartuussinermilu sullississutinit isertitaqassutigisarneri tamakkunatigut aarlerinaatinut tulluunnersut nalilersorneri.
- 4.4 Aningaasariviup akissarsisitsisarnikkut aqqissuussinerani kaammattuutigisai eqqarsaatigineqartarnersut makkunatigut nalilersorlugit; aningaaserivimmuut aarlerinaatit, aningaasaatit, aningaasat tigoriaannarnut aamma ilimanassutsimut kiisalu akissarsiassat akilerneqarnissaannut piffissaq.
- 4.5 Siulersuisuni ataatsimiinnissaq sioqqullugu Aarlerinaatinik isumaginninnermut pisortap nalunaarusiaa siulersuisuni eqqartorneqassaaq.

5. *Iluaqutissat*

- 5.1. Aarlerinaateqartunut ataatsimiititaliap iluaqutissat, ataatsimiititaliap pisariaqartutut naliligai, matuma ataani avataanit siunnersorneqarneq atorsinnaavai.

6. *Paasissutissanik pissarsisinnaaneq*

- 6.1. Aarlerinaateqartunut ataatsimiititaliap paasissutissat attuumassuteqartut tamaasa pissarsiarisinnaassavai, matuma ataani GrønlandsBANKEN-imi qullersaqarfik aamma aarlerinaateqartunut akisussaasuusuni.
- 6.2. Aarlerinaateqartunut ataatsimiititaliaq ingerlaavartumik isummertassaaq, paasissutissap, ataatsimiititaliap sulineranut pisariaqartup, taamaattumillu ataatsimiititaliamut ingerlasussamat qanoq ittuussusaanut, annertussusaanut akuttususaanullu.

7. *Nalunaarusiorneq*

- 7.1. Aarlerinaateqartunut ataatsimiititaliaq suliat, pisinnaatitsissummi matumani saqqummiunneqartut pillugit siulersuisunut nalunaarusiortassaaq inassuteqartarlunilu.

8. *Saqqummiussineq*

- 8.1. Aningaaseriviup nittartagaani saqqummiunneqassapput aarlerinaatinut ataatsimiititaliap

- Suliassaasa nassuiarnerat
- Ataatsimiititaliap ukiup ingerlanerani sammisai pingaarnarpaat aamma ataatsimiititaliami ataatsimiinnerit amerlassusai, kiisalu
- Ataatsimiititaliami ilaasortat aqqi
- Ataatsimiititaliami ataatsimiinnerni siulersuisuni ilaasortat peqataasarnerisa takussutissartaat

9. *Imminut nalilersorneq*

- 9.1. Aarlerinaatinut ataatsimiititaliaq ukiumoortumik imminut nalilersortarpoq, ataatsimiititaliap pissutsinik suliassat nassuiarnerini matumani aalajangersarneqarsimasunik eqqortitsinini pillugu.

10. *Allannguutit*

- 10.1. Suliassat nassuiaataanit matumani allannguutit qaqugukkulluunniit siulersuisuni amerlanerussuteqarnikkut atulersinneqarsinnaapput.

11. *Naliliineq*

11.0. Ataatsimiititaliap ukiumoortumik sulinermi sunniuteqassusaa nalilertarpaa, piffissami takkuttussami suliaassat iluarsaannissaat siunertaralugu.

Siulersuisut ataatsimiinneranni ulloq 13. maj 2025 akuersissutigineqarpoq